



**ტყიბულის მუნიციპალიტეტის საკრებულოს  
გ ა ნ კ ა რ გ უ ლ ე ბ ა**



განკარგულება:გ-75.75242062

თარიღი:24/07/2024

**ტყიბულის მუნიციპალიტეტის საკუთრებაში არსებული ქონების საწყისი საპრივატიზებო საფასურის შემცირების შესახებ**

საქართველოს ორგანული კანონი „ადგილობრივი თვითმმართველობის კოდექსის“ 24-ე მუხლის პირველი ნაწილის „ე“ პუნქტის „ე.გ“ ქვეპუნქტის, 61-ე მუხლის მე-2 ნაწილისა და „მუნიციპალიტეტის ქონების პრივატიზების, სარგებლობისა და მართვის უფლებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ - საქართველოს მთავრობის 2014 წლის 8 დეკემბრის N669 დადგენილების 38-ე მუხლის საფუძველზე, ტყიბულის მუნიციპალიტეტის საკრებულომ მიიღო

**გ ა ნ კ ა რ გ უ ლ ე ბ ა:**

**მუხლი 1.**

ტყიბულის მუნიციპალიტეტის საკუთრებაში არსებული უძრავი ქონების საწყისი საპრივატიზებო საფასური განისაზღვროს შემდეგი ოდენობით:

ა) ქ. ტყიბულში, ტყვარჩელის ქუჩა N57-ში განთავსებული (ძველი საავადმყოფო) 13310 მ<sup>2</sup> მიწის ნაკვეთი(ს/კ 39.01.30.018) და მასზე განთავსებული 5574 კვ.მ და 168 კვ.მ შენობა-ნაგებობების საწყისი საპრივატიზებო საფასური 700000 (შვიდასი ათასი) ლარი შემცირდეს 50%-ით და განისაზღვროს 350000 (სამასორმოცთაათი ათასი)ლარით;

ბ) ქ.ტყიბულში გამსახურდიას ქუჩა N38 (ყოფილი პოლიციის შენობა) (ს/კ 39.01.27.032) 2715 კვ.მ მიწის ნაკვეთი და მასზე განთავსებული 2692.82 კვ.მ შენობა-ნაგებობის საწყისი საპრივატიზებო საფასური 600000 (ექვსასი ათასი) ლარი შემცირდეს 50%-ით და განისაზღვროს 300000 (სამასი ათასი) ლარით;

**მუხლი 2.**

დაევალოს ტყიბულის მუნიციპალიტეტის მერიის ეკონომიკისა და ქონების მართვის სამსახურს, განახორციელოს ფასების ცვლილება ამ განკარგულების პირველი მუხლის შესაბამისად.

**მუხლი 3.**

კონტროლი განკარგულების შესრულებაზე დაევალოს ტყიბულის მუნიციპალიტეტის საკრებულოს ეკონომიკის, ქონების მართვისა და ინფრასტრუქტურის საკითხთა კომისიას (ი. ლომთაძე).

**მუხლი 4.**

განკარგულება შესაძლებელია გასაჩივრდეს ქუთაისის საქალაქო სასამართლოში (მის: ქ. ქუთაისი, კუპრადის ქუჩა N11) განკარგულების მიღებიდან ან მისი ოფიციალური წესით გაცნობის დღიდან 1 (ერთი) თვის ვადაში.

## მუხლი 5.

განკარგულება ძალაში შევიდეს მიღებისთანავე.

იოსებ რობაქიძე

ტყიბულის მუნიციპალიტეტის საკრებულო-  
საკრებულოს თავმჯდომარე

გამოყენებულია კვალიფიციური  
ელექტრონული ხელმოწერა/  
ელექტრონული შტამპი

